



Broj: 04-1-3-1300-2/25
Sarajevo, 17.04.2025. godine

Na osnovu čl. 5. stav (1) tačka c), 12. stav (4) i 23. stav (1) tačka a) Zakona o Agenciji za bankarstvo Federacije Bosne i Hercegovine („Službene novine Federacije BiH”, broj 75/17), člana 22. Zakona o mikrokreditnim organizacijama („Službene novine Federacije BiH”, broj 59/06), čl. 27. stav (1) tačka j) i 28. Odluke o uslovima i postupku izdavanja i oduzimanja dozvole za rad i drugih saglasnosti mikrokreditnim organizacijama („Službene novine Federacije BiH”, broj 103/18), te čl. 7. stav (1) tačka c) i 16. stav (1) tačka b) Statuta Agencije za bankarstvo Federacije Bosne i Hercegovine („Službene novine Federacije BiH”, broj 3/18), rješavajući po odlukama i zahtjevu Mikrokreditnog društva „Digital Finance International” društva sa ograničenom odgovornošću, Banja Luka od 06.03.2025 i dopuni broj 137/2025 od 28.03.2025. godine, direktor Agencije za bankarstvo Federacije Bosne i Hercegovine donosi

RJEŠENJE

1. Mikrokreditnom društvu „Digital Finance International” društvo sa ograničenom odgovornošću, Banja Luka, oduzima se dozvola za obavljanje poslova davanja mikrokredita putem organizacionih dijelova: Ured u Zenici, sa sjedištem u Ulici Londža broj 83, Zenica, koja je izdata Rješenjem Agencije za bankarstvo Federacije Bosne i Hercegovine broj 04-1-3-3933-3/20 od 24.11.2020. godine i Ured u Sarajevu, sa sjedištem u ulici Dolina 15, Sarajevo, za koji je izdata saglasnost Rješenjem Agencije za bankarstvo Federacije Bosne i Hercegovine broj 04-1-3-962-21/17 od 01.06.2018. godine, sa danom 30.04.2025. godine.
2. Mikrokreditnom društvu „Digital Finance International” društvo sa ograničenom odgovornošću, Banja Luka nije dozvoljeno obavljanje poslova davanja mikrokredita na području Federacije Bosne i Hercegovine od 30.04.2025. godine, uključujući poslovanje putem isplatnih partnera u Federaciji Bosne i Hercegovine (JP BH Pošta d.o.o. Sarajevo i Hrvatska pošta d.o.o. Mostar) na način definisan ugovorima o poslovno – tehničkoj saradnji zaključenim između Mikrokreditnog društva „Digital Finance International” društvo sa ograničenom odgovornošću, Banja Luka i navedenih pravnih lica.
3. Ugovori o mikrokreditima koji su do 30.04.2025. godine zaključeni u organizacionim dijelovima Mikrokreditnog društva „Digital Finance International” društvo sa ograničenom odgovornošću, Banja Luka registrovanim u Federaciji Bosne i Hercegovine, kao i ugovori zaključeni putem isplatnih partnera na području Federacije Bosne i Hercegovine iz tačke 2. ovog rješenja, smatraju se ugovorima zaključenim u skladu sa propisima Federacije Bosne i Hercegovine, te su ugovorne strane dužne poštovati sve uslove navedenih ugovora o mikrokreditima, uključujući visinu naknada,

kamatne stope i ostala prava korisnika, u skladu sa zakonima i podzakonskim aktima koji su bili važeći na dan njihovog zaključenja.

4. Ovo rješenje Agencija za bankarstvo Federacije Bosne i Hercegovine će objaviti u „Službenim novinama Federacije Bosne i Hercegovine“ i na službenoj web stranici Agencije za bankarstvo Federacije Bosne i Hercegovine.
5. Žalba na ovo rješenje ne odlaže izvršenje istog.

Pouka o pravnom lijeku:

Protiv ovog rješenja može se izjaviti žalba Komisiji za odlučivanje po žalbi protiv prvostepenih akata Agencije za bankarstvo Federacije Bosne i Hercegovine – Drugostepena komisija u roku od 8 dana od dana dostave rješenja, u skladu sa odredbom člana 12. stav (3) Zakona o Agenciji za bankarstvo Federacije Bosne i Hercegovine. Žalba se podnosi putem organa koji je donio rješenje ili Drugostepenoj komisiji direktno, neposredno ili putem pošte na adresu Agencije za bankarstvo Federacije Bosne i Hercegovine.


DIREKTOR
Jasmin Mahmužić

